



RAIFFEISEN BANK SH.A.

**AUTORITETI KOMBËTAR PËR
CERTIFIKIMIN ELEKTRONIK
DHE
SIGURINË KIBERNETIKE**

Nr. 34188 Prot.
2.

Tiranë,
më 03 . 11 . 2023

Nr. 815/1 Prot.

Tiranë,
më 30 . 10 . 2023

MARRËVESHJE BASHKËPUNIMI NË FUSHËN E SIGURISË KIBERNETIKE

Kjo Marrëveshje Bashkëpunimi është dakordësuar ndërmjet palëve të mëposhtme:

- a) Autoriteti Kombëtar për Certifikimin Elektronik dhe Sigurinë Kibernetike (në vijim "AKCESK"), dhe
- b) Raiffeisen Bank;

Duke pranuar se Teknologjitë e Informacionit dhe të Komunikimit (TIK) kanë hapur dritare të reja mundësish dhe janë mjete thelbësore për zhvillimin socio-ekonomik të shteteve;

Duke pranuar se TIK kanë sjellë gjithashtu lloje të reja kërcënimesh si: krimi kibernetik, spiunazhi kibernetik, aktivizimi, terrorizmi kibernetik, lufta kibernetike, sulmet ndaj infrastrukturës kritike, fushat e dezinformimit; dhe se këto kërcënime janë në rritje globalisht, ndërkombëtarisht, në mënyrë dinamike dhe po shfaqen gjithnjë e më të sofistikuara;

Palët kanë interesa strategjike të përbashkëta dhe bien dakord të bashkëpunojnë në fushën e informacionit bazuar në përfitime të njëjta dhe reciproke, për të përmirësuar bashkëpunimin në përgjigje të incidenteve të sigurisë së informacionit.

Duke pranuar rolin e Palëve në fushën e sigurisë kibernetike, në zbatimin e politikave dhe reagimeve operationale, zhvillimin e mjeteve dhe në kuadrin rregullator.

Palët synojnë të përcaktojnë qëllimet kryesore, objektivat, fushat dhe format e bashkëpunimit, të përfshira në këtë Marrëveshje Bashkëpunimi për sa vijon.

Neni 1

QËLLIMI

Kjo Marrëveshje Bashkëpunimi ka për qëllim të promovojë bashkëpunimin në fushën e sigurisë kibernetike ndërmjet Palëve si dhe të përmirësojë shkëmbimin e informacionit ndërmjet palëve në lidhje me sigurinë kibernetike bazuar në specifikimet sipas Nenit 4 të kësaj Marrëveshje Bashkëpunimi.

Neni 2

STATUSI DHE FUSHA E MARRËVESHJES SË BASHKËPUNIMI

1. Kjo Marrëveshje Bashkëpunimi përcakton kornizën brenda të cilës Palët synojnë të bashkëpunojnë për të arritur qëllimet e përcaktuara në nenin 1.
2. Kjo Marrëveshje Bashkëpunimi nuk ka për qëllim të krijojë, mbajë ose imponojë të drejta dhe detyrime ligjore ndaj Palëve ose ndërmjet Palëve të treta. Zbatimi i kësaj Marrëveshje nga Palët e përcaktuara në të, i nënshtrohet përcaktimeve ligjore në fuqi.

Neni 3

FUSHAT E BASHKËPUNIMIT

1. Për të arritur qëllimin e mësipërm të kësaj Marrëveshje Bashkëpunimi, Palët synojnë të bashkëpunojnë në fushat e mëposhtme:
 - a) Ofrimin sipas kërkesës së Palës skanime proaktive të rrjeteve dhe sistemeve të informacionit me qëllim identifikimin e vulnerabiliteteve me impakt të lartë të mundshëm;
 - b) Vendosjen në dispozicion të kopjes së logeve;

- c) Raportimin e të gjitha llojeve të incidenteve të sigurisë kibernetike në përputhje me parashikimet ligjore në fuqi për sigurinë kibernetike;
- d) Ndarjen e informacionit në lidhje me përhapjen e programeve keqdashëse;
- e) Shkëmbimin e indikatorëve të kompromisit;
- f) Ofrimin e informacionit për zgjidhjet e mundshme në fushën e sigurisë së informacionit;
- g) Shkëmbimin e materialeve edukative dhe trajnuese lidhur me sigurinë kibernetike;
- h) Bashkëpunimin dhe koordinimin e ndërsjelltë në lidhje me zhvillimin e seminareve teknike, edukative dhe trajnimeve;
- i) Ofrimin e asistencës informative këshilluese në hetimin dhe eliminimin e incidenteve të sigurisë së informacionit;
- j) Shkëmbimin e informacionit mbi rreziqet e sigurisë së informacionit;

Neni 4

SHKËMBIMI DHE PËRDORIMI INFORMACIONIT

1. Palët marrin përsipër të shkëmbejnë informacionin për qëllimet e kësaj Marrëveshje duke ruajtur Konfidencialitetin. Shkëmbimi i informacionit sipas kushteve të kësaj Marrëveshje Bashkëpunimi, do të kryhet në përputhje me ligjin nr.2/2017 "Për sigurinë kibernetike", politikat dhe mekanizmat në fuqi të palëve.
2. Asnjëra palë nuk do të shpërndajë informacionet e marra nga Pala tjetër sipas përcaktimeve të kësaj Marrëveshje Bashkëpunimi, asnjë palë të tretë pa pëlqimin paraprak të Palës tjetër.
4. Palët do të zbatojnë mbrojtjen e të dhënave personale, sipas ligjit nr.9887 datë 10.03.2008 "Për mbrojtjen e të dhënave personale", i ndryshuar.
5. Palët do të caktojnë një person kontakti përgjegjës për komunikimet ndërmjet Palëve në kuadrin e kësaj marrëveshjeje.
6. Çdo aktivitet i përbashkët që përfshin pronësinë intelektuale do të dakordësohet me shkrim nga Palët për të mbrojtur interesat përkatëse, sipas përcaktimeve të ligjit nr.9947 datë 7.7.2008 "Për Pronësinë industriale", i ndryshuar.

Neni 5

ZGJIDHJEN E MOSMARRËVESHJES SË BASHKËPUNIMIT

Çdo mosmarrëveshje ndërmjet Palëve në lidhje me interpretimin dhe/ose zbatimin e kësaj Marrëveshje Bashkëpunimi do të zgjidhet në mënyrë miqësore nëpërmjet konsultimeve dhe/ose negociatave ndërmjet palëve.

Neni 6

FILLIMI, KOHËZGJATJA DHE PËRFUNDIMI I MARRËVESHJES

1. Kjo Marrëveshje Bashkëpunimi hyn në fuqi në datën e nënshkrimit të saj nga të dyja Palët.
2. Kjo Marrëveshje Bashkëpunimi nënshkruhet për një afat të pacaktuar dhe Palët mund ta ndërpresin atë në çdo kohë duke njoftuar 30 ditë para palën tjetër me shkrim.
3. Aktivitetet që janë në proces në momentin e përfundimit të marrëveshjes, do të përfundojnë në përputhje me dispozitat e kësaj marrëveshjeje.
4. Kjo Marrëveshje Bashkëpunimi mund të ndryshohet me marrëveshje reciproke me shkrim të Palëve.
5. Një ndryshim i kësaj marrëveshjeje do të hyjë në fuqi në datën e përcaktuar reciprokisht nga Palët.

Neni 7

KOSTOT, SHPENZIMET DHE BURIME

Çdo Palë merr përsipër shpenzimet e veta personale dhe i siguron vetes burime për ekzekutimin e kësaj marrëveshjeje dhe shpenzimeve të tjera të lidhura me të. Të gjitha aktivitetet sipas kësaj Marrëveshjeje Bashkëpunimi, do t'i nënshtrohen disponueshmërisë së burimeve financiare dhe njerëzore në përputhje me legjislacionin në fuqi.

Neni 8

INFORMACIONET E KONTAKTIT

AUTORITETI KOMBËTAR PËR CERTIFIKIMIN ELEKTRONIK DHE SIGURINË KIBERNETIKE	Raiffeisen Bank
Emër: Eriola Sadiku	Emër: Ariela Rrokaj
Institucioni: AKCESK	Institucioni: Raiffeisen Bank sh.a
Telefon:	Telefon:
Adresë e-mail: eriola.sadiku@cesk.gov.al	Adresë e-mail: ariela.rrokaj@raiffeisen.al
Telefon24/7: +355 4 22 210 39	Telefon24/7: +355695230023

Lë

Telefon emergjencash: +355 69 57 36 929	Telefon emergjencash: +355 69 60 78 402
Adresa: Rruga "Papa Gjon Pali I II, Tiranë, Shqipëri	Adresa: Rruga Tish Daija, KIKA2 Tiranë

Neni 10

NËNSHKRIMI

Marrëveshja e Bashkëpunimit nënshkruhet nga përfaqësuesit e mëposhtëm të palëve:

NËNSHKRUAR për dhe në emër të
Raiffeisen Bank

NËNSHKRUAR për dhe në emër të
Autoritetit Kombëtar për Certifikimin
Elektronik dhe Sigurinë Kibernetike

Drejtor i Përgjithshëm
Z. Christian CANACARIS

Drejtor i Përgjithshëm
Z. Igli Tafa



Nënshkrimi

Nënshkrimi